

preziai geniturs
caras scolaras, cars scolaras
cun quest mail dein nus enqual informaziun davart il proxim temps.

- concernent las directivas dalla confederaziun resp. dil cantun en connex cul virus corona quei che pertucca la scola supplichein nus da mirar e s'informar surtut cheu: <https://www.gr.ch/DE/institutionen/verwaltung/djsg/ga/coronavirus/Seiten/Kacheln.aspx>

- per la surveglonza d'affons che nus havein giu purschiu per quest'jamna ha ei dau neginas annunzias.

- per questa e l'otra jamna dat ei - tenor la decisiun dalla regenza grischuna - negina instrucziun, pia era buca sin distanza (homeschooling/distance learning).

- discuors cun geniturs denter las pdi da classa resp. terapeuts stai previ vegnan realisai mo sch'igl ei fetg indicau. en gliez cass - secapescha - cun tener en tut las mesiras da higiena e da schurmetg.

- l'instrucziun sin distanza vegn prevedentamein ad entscheiver la 3. jamna (jamna calendarica 14/2020).

- l'instrucziun sin distanza vegn elaborada quest'jamna dallas scolastas e dils scolasts da nossa scola. las pdi da classa vegnan ad informar en caussa el decuors dall'jamna proxima.

- instrucziun sin distanza munta buca ch'ei vegn mo contactau e communicau per internet. autras fuormas ein era pusseivlas, denter auter p.ex. - secund il scalem (cunzun ils scalems bass) - telefon, dossiers en fuorma da pupi che vegnan dai giu (p.ex. ella scaffa da brevs/pacs) e puspei turnai en in cert liug. era cheu vegnan las pdi da classa ad informar en caussa el decuors da l'otra jamna.

- damaun (sil pli tard venderdis) vegnan las pdi da classa a reparter ils mieds d'instrucziun ch'ei en scola. vul dir ch'ils mieds d'instrucziun vegnan deponi ellas scaffas da brevs/pacs da mintga famiglia. nus supplichein da mirar ellas scaffas. sch'ei fa da basegns vegn ulteriur material d'instrucziun repartgius era pli tard.

- per prender il tempo alla derasaziun dil virus duess ins (denter auter) evitar contacts cun autras personas. ils davos dis ein adina puspei gruppaziuns d'affons e giuvenils serimnadas sils areals da scola. la mesira dalla confederaziun da serrar las scolas ha siu ferm motiv. igl ei buca il senn da questa mesira ch'ils affons e giuvenils serimnien en gruppaziuns.

- informaziuns sco questas cheu ein era publicadas sin nossa pagina (www.scolasbreil.com).

- ils canals da contact denter la scola/las pdi ed ils scolaras resp. geniturs ein: mail, telefon (buca whatsapp, sms etc.)

en cass da damondas stun jeu fetg bugen a disposiziun (079 449 63 79, meinascola@scolasbreil.ch).

da cor giavischel jeu tut il bien!

per las scolas breil

francestg friberg